



何大復先生集卷之十七

五言律詩八十二首

答望之二首

念汝書難達，登樓望欲迷。
天寒一鴈至，日暮萬行啼。
饑饉群盜徵，求及寡妻。
江湖更搖落，何處可安棲。

二

日落荒山畔，孤城更可傷。
生涯仍寂寞，世事轉倉皇。
百口同饑饉，千村盡虎狼。
知君憐老父，南望白雲長。
雪中簡賈長教

雲雪孤城暗，深杯誰共揮。
霧中千樹失，天上百花飛。

大復集卷十七

一雨亭二百五

濕益青氈冷，光連素壁輝。
知君野中曲，高調和人稀。
寄周明府

舊業燕京下，何方更卜家。
知君能大隱，城市即烟霞。
商谷多芝草，淮山有桂花。
相招空夢寐，岐路滿天涯。
贈韓亞卿返湖南二首

斧鉞辭燕闕，檐帷駐楚宮。
使星天漢上，御月洞庭中。
劉晏經邦計，蕭何餉士功。
歸朝論事業，不愧古人風。

二

送節初臨夏，迴旌已逼年。
馳驅千里使，經濟萬人傳。
髮變江湖上身歸，日月邊。
淮西困饑饉，側望達堯天。



得五清先生消息尚客澧州悵然有懷作詩六

首

懔悴東都士吾師更可嗟三年為逐客萬里未還家
暮阻巴山雪春行楚岸花江湖無路覓流涕望天涯
二

昔遇南來客曾傳北寄聲飄零攜百口留滯傍孤城
澤畔騷人興周南太史情天高地仍遠街謗竟誰明
三

洞庭西去路消息幾回聞地僻難逢鴈天長祗見雲
白蘋悲楚客斑竹怨湘君宋玉哀師意空傳九辯文

大復集卷十七

三湖存二百八

四

夫子先辭國嗟予亦罷官生涯同去住世事各悲懽
楚地江湖闊巴山道路難白頭慈母在雨雪更愁寒

五

跡為羈棲久身因放逐勞五溪淹日月三峽尚波濤
夢裏推雙翼愁邊見二毛清風引歸袂名共蜀山高

六

儒行荆人識文章澧郡傳夷方仍組豆客踞半舟船
太守迎徐稚諸生仰鄭玄獨憐門下士何日進彭宣

寄杭東卿

海內賓朋隔天邊。涕淚遙一書無計達萬里。更能招
碧樹東南地。寒江日夜潮。石梁如可度。仙路坐相邀。
送羅秀才歸省

汝念高堂母。還家秋色深。遙知倚閭望。應慰斷機心。
落月清淮朗。浮雲楚塞陰。西風吹匹馬。惆悵送歸吟。

寄張提學伯純

舊屬朝端望。俱稱柱下才。九霄驄馬出。千仞鳳凰來。
河洛經中嶽。星辰動外臺。山城有桃李。花向幾時開。
聞陸舍人子引罷官無懷徐舍人德章

惜爾官難達。文章本鳳毛。投簪歸海岸。挂席趁江濤。

大復集卷十七

三

張翰元思鱸。任公且釣鰲。南逢徐孺子。應話舊同袍。

喜劉朝信過飲三首

坐惜芳菲晚。何人到野中。相邀一尊酒。未對百花叢。
翡翠鳴春日。遊絲墮碧空。誰知豔陽節。爛醉與君同。

二

西郭樓連地。春風亦可憐。落花寒食雨。高柳夕陽天。
岸幘行林側。移樽坐水邊。啼鶯如有意。數傍舞衣前。

三

烟樹孤城外。風花野水濱。羣鷗不避客。雙燕亦留人。
况值清明後。酣歌爛熳春。相看三月暮。過我勿言頻。

懷王舍人文熙

自我還鄉里，無書到野亭。
江湖春浩浩，鴻鴈日冥冥。
苑內花空發，池邊草自青。
寧知同省客，萬里各飄零。

寄梁宗烈

憐君下第日，即我挂冠時。
岐路千行淚，浮雲萬里悲。
天高南海柱，地遠曲江祠。
處處豺狼鬪，相逢未可期。

送公順赴湖南有懷舊遊

雄勝稱三楚，茲遊不可無。
入溪身更遠，望嶽興難孤。
江漢元朝海，樓臺半入吳。
十年歷覽地，夢繞岳陽湖。

公順阻雨又贈

大復集卷十七

四

孤城三日住，客子意何窮。
水國春多雨，江沙晚更風。
宦情臨漢上，鄉夢到秦中。
幾欲相拚過，清尊未得同。

劉朝信讀書山寺

嗜靜山中寺，藏脩此度年。
白雲千嶂裏，清夜一燈懸。
書卷留孤客，盤飧傍老禪。
何時騎馬至，訪爾古松邊。

贈壘師

羨爾離羣友，明心到灑然。
乾坤卓錫外，日月轉輪前。
覺路開無極，迷川度有緣。
黃金留淨界，萬世此燈傳。

壽徐廣文

七十六年過，悠悠湖海人。
青松高此節，黃鶴健如神。

幸有徐卿貴官同鄭老貧春花歲滿眼常得醉佳辰
西谷有湖聘子喜其得勝遊因話湖中之勝

君向杭城去茲遊似馬遷應傳越客酒先泛楚人船
入郭湖天迥觀潮海月圓因君話禹穴高興亦飄然
送高子登赴試

倚馬高槐下行歌夕更繁夏雲連楚甸秋月滿梁園
題柱名千里登臺策萬言雲鴻天路永今日看飛翻
與徐生

念汝多風骨論文亦有神常懷萬里志須愛百年身
滄海方知水為山不讓塵眼前書史在無限古今人

送徐生赴試

大復集卷十七

五義龍三百十五

騎到梁都日西風發醉歌秋深花近苑夜迥月臨河
姓擬傳霄漢身應謝薜蘿佳音附來鴈報我莫蹉跎
送張秀才還固安

十月燕山雪孤城易水風綠苑迷白草鄉淚劇丹楓
萬里書生筆千鈞壯士弓論文更好武何地汝成功
贈葛時秀

磊落元高士飛騰且壯年驪駒萬里路鵬鷲九天
白璧先淹楚黃金晚入燕春花爛熳日定醉曲江邊

奉寄泉山先生

錦閣三朝舊江湖萬里長北山高碑砥南斗極光芒
皓首歸難挽蒼生意未忘春風舊桃李向日傍門墻
為李秀才壽母

寒歲開筵處佳辰對碧山梅花似白髮萱草亦朱顏
志與和熊苦身因駕鹿閑百年應自慰常見舞衣斑
送別劉朝信

萬里向天涯孤城對日斜雲山共此別世路獨長嗟
暮雪燕關樹春風漢苑花知君騎馬地名姓滿京華
寄任宏器

白髮三年客滄江萬里船相思一回首懷抱即依然
蒼草成詩夢桃花入醉眠高車易傾覆何似廣文壇
大復集卷十七
六林時三百二十七

送熊舉人

歲暮爾何適天涯誰共過敝裘衝雨雪匹馬向關河
季子黃金盡安仁白髮多燈前解雄劍長夜一悲歌
寄王甥朝良憂居

念爾憂居日山樓不到城下帷如董傳閉戶即孫生
苦塊冰霜重鯢鵬羽翼成人言爾似舅潦倒愧賢甥
壽李生父

五十五年人乾坤未老身佳辰近元日物色是新春
白髮何須變青山不當貧充閭更有子莫厭酒觴頻

贈樊生鵬

羨汝非凡鳥，羣飛志豈安。即看成羽翼，何日起扶搏。
丹徼通南極，滄溟近北寒。天風吹送爾，九萬亦何難。
和賈西谷暮春兩後之作

溪雨清明過，游雲薄遠空。鷗喧春水至，燕落晚泥融。
麥秀千家暗，桃花昨夜風。獨憐艷陽日，尊酒未能同。
荅劉朝信春日之作

聞君新歲作，吾亦念生涯。翠麥纖纖細，青楊裊裊斜。
渴思春岸雨，醉憶碧溪沙。何日酬懽賞，相邀共物華。
九日袁惟學邀南園登高病不赴

大復集卷十七

七歲訓言廿四

經秋予卧病，九日汝登臺，悵望啼猿處，無由躍馬來。
暮天雙鴈落，寒日一花開，亦有杯中物，孤懷未易裁。

三月七日同諸生出遊

清晨招爾輩，同出眺烟沙。寒食孤村路，春風萬樹花。
藉蘭臨水曲，折柳到山家。獨少青尊共，能無愧物華。

九日震雷山懷望之

九日東山上，思君江漢深。故園頻宴會，佳節自登臨。
衆壑流雲氣，孤峰落日陰。應知楚山上，獨賦望鄉吟。

立春日憶京

此日憶京華，孤城春望賒。雲宵雙鳳闕，歌舞萬人家。

香脆金盤菜，寒輕綵勝花。繁華舊時事，回首一長嗟。
元日哭先人墓二首

春色松楸地，淒涼望不窮。哀臨逝水痛，哭起悲風。
江海無歸路，塵沙有斷蓬。一杯元日酒，空灑九原中。

二

地下今安在，人間春自來。空餘萬行淚，不盡百年哀。
松栢開神跡，星河隔夜臺。林烏暮啼急，佇立不能回。
社前一日上先墓

莽莽乾坤濶，悠悠歲月過。極知恩似海，空有淚懸河。
巢燕營新壘，林花發故柯。春風如往日，愁到此山阿。

大復集卷十七

戴訓三百全

春望

荏苒青春望，棲遲白日歌。柳隨愁共結，花與淚同多。
異域猶戎馬，吾生只薜蘿。萋萋春草色，依舊滿山河。

春來

春來稀灑掃，門徑碧苔滋。積雨忘昏曉，幽居感歲時。
寒雲低旅鴈，城樹暗黃鸝。獨立傷春色，蕭條萬事悲。

寒食

沙岸青春雨，風吹野水涯。不沽寒食酒，空映古墳花。
城郭人烟細，樓臺暮景斜。東流爾何意，滾滾送年華。

清明

碧草晴川麗。遊人興渺然。歲時聊杖履。兒女更鞦韆。
沙白孤城日。山青萬井烟。風花暮無數。片片落河邊。
仲春二日

荒村春甲子。暮雨散高天。石壁臨斜景。雲岩落暗泉。
長官行問俗。父老更占年。早晚春濤至。相將泛野船。

晚晴

茫茫春水地。斜日滿菰蒲。隔水雲峰峻。含風雪壁孤。
晴光催谷鳥。曠色下城烏。仄徑漁樵過。相逢亦我徒。
春興

二月已過半。三月來逾速。柳葉細可采。桃花開太頻。

大復集卷十七

九才甫言十手

白馬過遊客。黃鸝呼醉人。紅顏樓上女。端坐獨傷春。
清明自先塋歸

感慨清明節。留連野外尊。花明無柳暗。萬落更千村。
黃鳥鳴官路。青山繞郭門。常懷九原下。悽斷百年魂。
過袁惟學南園集飲二首

始識南園路。垂楊一徑斜。誰言此城市。吾意即烟霞。
客醉迷深竹。鶯啼過別花。圖書一萬卷。不異子雲家。

二

獨坐春林暮。飛花送酒杯。亭陰連水曲。山照落城隈。
萬竹當階倚。千峰繞戶迴。高人讀書處。莫厭我頻來。

同趙先生宿山家

同宿京華地。今來又六年。那知風雪夜。復此共床眠。
水曲隣燈照。山高石溜懸。中宵不成寐。話舊各悽然。

劉朝信西園

邀客西園內。知君愛醉吟。相看二月盡。無奈百年侵。
春水桃花岸。高亭橘樹林。晚來有幽意。西望白雲岑。
葉邦重山居

幽棲近蘭若。未慰野人情。戶外雙峰秀。塔前衆壑平。
鶯鳴春樹裏。僧傍翠巖行。日暮山鐘發。相隨夜到城。
飲邦重山莊夜歸

大復集卷十七

十一
蘇維三十一

殘甲喧歸騎。漁樵久徑逢。烟中望北郭。樹裏下西峰。
深夜明林火。蒼茫度水鍾。朝來向城市。誰憶白雲蹤。
寺僧留宿

留宿頻經夜。虛空斷管緣。獨吟依野衲。不寐聽山泉。
水月人間地。香燈象外天。何時謝城郭。來此共安禪。
別寺僧是日立春

別寺逢春日。山盤野菜長。老僧朝具飯。留客更焚香。
雨暮楓花靜。雲寒栢樹蒼。獨慚騎馬去。塵事未能忘。
出寺過胡山人家

細雨清沙路。經行獨杖藜。那知白社客。更向碧山棲。

花好圍牆發鶯嬌。入院啼風光不能醉。吟望轉悽迷。
賢隱寺次劉朝信

翠壁青蓮界。蒼苔白石關。春來初出郭。日暮更登山。
歲月頻經眼。烟霞可駐顏。化城依宿處。自覺此身閒。
袁揮使別墅次朝信惟學韻

出城山水地。朋舊共斯遊。吟倚將軍馬。未乘老氏牛。
桃花紅映郭。柳色翠臨流。寄語尋幽者。無勞此外求。
游堅山阮生談西巖險絕予未嘗到

聞爾西巖上。經行此路艱。風高吹獨立。雲細裊難攀。
目送千峰盡。身隨一鳥還。更傳僧八十。終日閉松關。

大復集卷十七
夜酌黑龍潭二首 并序

十一
先三三五三

于時相從者。徐羅彭阮胡五人。黑龍潭予嘗過。望
見之。未嘗到也。是遊予自發西山有此意。而彭至
即携一壺酒。馬上從予。至則夜矣。相與酌石上一
二行。而徐生復不舍。遂卒遊。盖甚奇也。

川流一曲抱峭壁。萬年開白石。傳杯坐青天。送月來
蛟龍亦自舞。鷗鷺豈相猜。誰識仙潭上。天留此釣臺。

一

百頃風潭靜。澄波夜轉明。江山一壺酒。天地六人情。
醉踏金鰲背。潛窺玉鯉行。龍宮月長滿。何惜坐深更。

獨院圍雙檜清陰午更繁笙歌聊輟講市井不聞喧
壇杏當筵墜堦葵夾座翻憐君交誼重數到廣文園
王生館兩坐

獨坐王生館淒然歲暮心高城翻落照空院積寒霖
鴈驚秋飛盡蛟龍夜或吟西山舊松竹雲雪共蕭森
過先人墓示彭天章二首

三宿孤墳下肝腸爾獨知不禁桑梓淚難忘蓼莪詩
逝水有歸處白雲無盡期九原靈爽在相見是何時

大復集卷十七

十一 三百〇五

少小承顏日恩深世所稀倉皇成永訣冥漠竟同歸
天地空形影音容有是非此身如寸草何以荅春暉
同季升過季生書舍

避寇孤城裏君家數倒尊柳邊開草閣花下覓柴門
臺古如山郭塘幽似水村南鄰張給事常與坐黃昏
登西巖寺二首

西林禪誦地石壁倚天開曲磴千盤上飛泉一道來
園禽巢古殿野鹿過香臺共坐題詩暮山花落酒杯

二

野寺千峰裏遊人一徑深窻喧石澗水殿落翠巖陰

花樹三春暮山川百代心天風日夕厲難上最高岑

遊賢隱寺

寂寂春山寺雙峯晝自陰行吟白雲裏獨慰翠微心
石磴懸蘿暗巖亭雜樹深還疑武陵口溪水入花林
過萬家庄

野屋水潺湲綠崖一徑攀迴風吹落日臘雪滿寒山
牛嶂啼猿裏孤峯騎馬還蒼茫雲霧合無路覓禪關
訪聖山寺僧不遇

峭壁何年寺重來雪路迷烟霞開寶地霄漢接丹梯
遍面千峯起回頭萬壑低無人獨歸去惆悵白雲西

大復集卷十七

十三 戴冠 三言

再至寺

山家晚飯罷清夜宿西林古壁棲金象花宮出梵音
三生石上話萬劫世間心獨愛寒岩栢蒼蒼一院陰

何大復先生集卷之十八

五言律詩八十二首

登堅山寺絕頂真武廟二首

古廟堅山上，丹青碧蘚封。
遊人不到處，一老自鳴鍾。
絕壁飛泉掛，危峯曲徑通。
崑崙一以望，頓覺世塵空。

二

同未息心石，不避捨身臺。
洞裏烟雲出，窓中日月開。
孤僧絕頂住，遊客半空迴。
不盡登高興，無人送酒來。

懷西山

不到西峯久，那堪病後情。
雲思丹壑附，花夢碧巖行。

大復集卷十八

城郭邀來往，朝廷問姓名。
人間自多事，嘆息此浮生。

自山家歸寺

暝色延歸路，雲中見上方。
萬山懸馬首，一徑入羊腸。
暮雨橫沙界，陰霞拂院牆。
更深磬管發，身世樂何鄉。

近寺

梵宇頻經處，林深入磬聲。
懸崖攀葛上，曲澗遶松行。
花鳥還春日，樓臺即化城。
亦知身是妄，從此學無生。

過書院二首

書院新開日，文旌暫過時。
衣冠成小試，綵竹更相隨。
東柳依高堞，霜荷倚曲池。
夜來古竇氣，應向斗牛知。

駐馬高城畔，酣歌送落梅。風霜十月盡，杯酒衆賓回。
柳色含春動，笳聲向晚催。故園無限意，行節為遲迴。
登樓

孟夏遊茲地，登樓慰所糾。樹陰深坐客，花晚更題詩。
滿院紅榴發，當簷白果垂。風情真可住，俗物苦相違。

過杜家庄

山老頻邀客，茅茨隔暮烟。聞雞度絕嶠，立馬看飛泉。
種柳非無地，栽麻亦有田。謀生今已定，不用卜居篇。

獨坐

大復集卷十八

二

獨坐孤燈靜，憂心倍寂寥。橫河當戶轉，落月去城遙。
淚向何時盡，魂從暗裏銷。此身雖復在，甘與歲時飄。

獨立

鼓絕孤城掩，溪傍春事殘。岸霞晴映樹，汀雨暮生寒。
風外看花盡，烟中望柳繁。靜觀時物變，獨立思千端。
袁秀才書院芍藥

亦是傾城色，開仍傍杏壇。日遲深院寂，風轉曲闌干。
不恨先桃李，皆言勝牡丹。春華惟在眼，各好相看。

李秀才圖中牡丹

此地無車馬，名花亦自開。何須照羅綺。

冠塵矣

逝水紅雲綻，憑闌白日理。姚黃與魏紫，空向洛陽栽。
李秀才書屋冬菊花

萬樹皆零落，亭亭獨自栽。根深飽霜雪，花好爛池臺。
短鬢頰相映，孤懷為爾來。凡花與衆草，歲暮不同開。
趙生書堂竹

愛爾書堂竹，青青耐久看。到門惟一徑，入院迥千竿。
兩映爐烟細，霜生簾色寒。晚來幽獨興，題句刻琅玕。

梅

野水無人地，寒梅獨自開。花疎間翠篠，樹古積蒼苔。
嶺雪春潛至，林風香暗來。一枝猶可折，橫笛暮休哀。

大復集卷十八

三
餘二百九十三

懷賈長教壇上杏花

山城踈雨過，綠草暗庭陰。坐愛三春樹，懷君雙杏林。
日長鳴鳥至，風靜落花深。悵望高壇上，何由共爾吟。

櫻桃

滿郡櫻桃熟，筠籠處處傳。千枝垂更密，萬顆落仍圓。
細瀉愁難破，嘗新淚泫然。金盤賜朝士，猶憶拜恩年。

芍藥

芍藥春風晚，開遲莫自嗟。城中雖有樹，此外更無花。
倚席低行月，翻堦鬪落霞。佳人對瑤瑟，一為惜年華。

雙栢

雙栢種何歲蒼然盤據深蛟龍猶有甲鶴鶴爾何心
月過陰移壁風生響度岑萬年烟霧裏長得護禪林
雪

莽莽黃雲起淒淒素雪浮堂深偏近燭院迥不依樓
喜見漫天舞愁看向日流更將三白兆一慰老農憂

聞雷

中宵若電發二月始鳴雷落地殷仍起盤空劃欲迴
蛟龍入浦淑風雨過城隈獨坐明燈裏空堂萬慮催

曉起見雪

曙色空窻裏鳴禽更好音幽棲忘盥櫛偃卧問晴陰

大復集卷一

四里二百九十九

卷幔山雲起開門野雪深不愁泥濘路騎馬度西岑

雨

疾雨衝城下春寒入暮催樹明捎落電山暗轉奔雷
正月花狂放三江鴈亂回國西兵馬急愁問羽書來

密雨

密雨過清朝空山對寂寥久陰雷電蟄曠野虎狼驕
鷺立清沙近鷗行白水遙眼前常見汝俗物謾相招

漁樵

白石樵人跡滄江漁父濤桃花夾兩岸松色映孤岑
坐傍鼉鼉窟行穿虎豹林古今問答意誰識邵公心

淮陰侯

大將登臺貴，三軍拔幟豪。力能分楚漢，功本冠蕭曹。
故壘風雲偃，空山虎豹號。獨憐飛鳥嘆，不及范生高。

吹笙

寂寂花宮月，何人吹玉笙。響從銀漢落，清過彩雲行。
夜靜疑天籟，更深入梵聲。幽心與禪意，淒切轉關情。

廢屋

廢屋空山裏，風沙不見人。壞牆惟有徑，獨樹更無鄰。
寇盜三關逼，徵求萬國頻。江湖暮搖落，回首一沾巾。

燕子

燕子今春到，茅堂水郭西。本無華屋志，難向玉樓棲。
兩翅鳴相並，風輕落故低。河莫深訝，只是為卿泥。

病馬六首

采公有名馬，騎出自京華。峻耳批雙竹，竒毛散五花。
老能知道路，病已困泥沙。貴賤誠如此，長吟為爾嗟。

二

此馬非九馬，曾酣百戰場。聳身思剪拂，馳志在騰驤。
側立青雲迥，悲鳴白日長。君恩如不棄，終擬報田方。

三

從來西域種，會是渥洼生。不惜千金買，寧辭萬里行。

天寒思故道。歲晚滯空城。牽向閑階下。長鳴意不平。

四

老向關山裏。龍媒世不知。恩深思欲斷。力盡淚空垂。
首着辭天苑。塵沙別月氏。東郊望春草。生意在何時。

五

惜爾西來遠。愁看更向東。毛寒常帶雪。骨瘦不禁風。
惆悵臺邊士。淒涼塞上翁。徒聞穆天子。八駿歷層空。

六

踟躕才難盡。踟躕意若何。沙寒著著短。蹄晚蒺藜多。
不復馳金市。猶思歎玉河。側身千里外。常恐歲蹉跎。

大復集卷十一

六

黃昆三首全三

途中寄別錢送諸生

西路臨秋寺。登臺憶送行。風塵別汝輩。江海本吾情。
塞柳疑寒望。關雲入墓征。長安日不遠。相見待諸生。

送劉大理守衢州府

以下京集

西寺平反义。南邦出守初。高門廷尉宅。五馬使君車。
海岫晴浮越。河關暮泊徐。蒼生望杜母。行駕莫躊躇。

送馮大和

久客依親友。深秋念此行。亦知彈劍缺。不是愛冠纓。
木落燕天鴈。花催楚岸鶯。故山松柏樹。何限女蘿情。

送石令之廣濟

萬古黃州水孤城赤壁山仙臯從此去賓鴈幾時還
柳澤春陰細琴堂晝日閑知君忠孝志遺愛楚人間
送張子行

汝陽張季子冬暮獨南行此去棲淮曲何時入漢京
龍劍雄雌別鯤池羽翼生試看古名士多自少年成
元夜孫世其席上餞勤甫

京國上元夜相逢竟黯然張燈非舊俗滿月是離筵
楚塞干戈外春城鼓角邊同遊重分手海內各風烟
送謝邦用之湖南

同作燕京客君為楚上行雲霄無舊侶江漢有深情
大復集卷十八
七 雜詩三百首

鼓吹春天樹樓船水國城遙傳持憲使元是漢廷評
送呂子

京洛三年客雲霄萬里違上書俱不報解珮獨先歸
北極臨燕甸南山繞漢畿相將未可料岐路斷蓬飛
送顧汝成赴浙江叅議

水部名元重藩叅位不輕十年垂紫綬萬里為蒼生
舟楫江邊驛旌旗海上城風塵尚未息慷慨望君行
李南陽宅餞子容

封王金冊節漢使玉堂英禮樂逢今日山川壯此行
渡江春草歇臨海夏雲生賓客南陽宅遙遙萬里情

送高穎之給事使楚道過揚州

諫垣初北上，奉使且東還。冠冕留仙宴，江山慰客顏。
節停淮海曲，槎到斗牛間。別後金門侶，應懷玉殿班。

錢子容

客館西垣靜，開尊為汝歌。檻花深晚坐，城樹喜頻過。
綵鷁春湖色，驪駒白玉珂。還鄉君信樂，予柰別愁何。
送鄒子之浙中訪迎張子

此去尋張子，東行指宋畿。秋城悵獨往，春棹好同歸。
兩外吳帆重，江中越岫微。平生壯遊興，送汝益翻飛。

送熊御史尚弼謝病還江西

大復集卷十八

八 御奇三百十

晨車發帝里，秋棹返江鄉。草奏孤臣淚，懷歸久客腸。
海鷗思避俗，湖鴈喜隨陽。攬轡平生志，還山未可忘。

送蕭升之任登州府學

廣文騎馬去，東郡有花開。日對蓬萊觀，春登海上臺。
人看鳴鳳下，客擬釣鰲來。莫謂儒官冷，絃歌擁俊才。
送王有鄰之趙州

夫郡須才美，君才美更多。雙幡朱析羽，五馬玉鳴珂。
橋市連燈火，城亭入芰荷。兒童迎太守，齊唱趙州歌。

真空寺送人不及二首

尋僧憇古寺，候客掩松門。碧水城隅路，青山塞口村。
迴舟非盡興，駐馬獨傷魂。目送寒天鳥，孤飛日易昏。

二

古路城中斷，荒原寺半開。碧山從此去，芳草為誰來。
野送空臨水，燕歌獨上臺。林風暮吹急，歸興颯餘哀。
汝立席上送世其二首

故國思先往，兵曹喜暫過。江雲同楚望，邊月自燕歌。
市夜盤飧易，城春鼓吹多。一盃今對汝，他日異關河。

二

汝去來何日，令予轉念家。興同張季子，愁異賈長沙。

大復集卷十八

九 楊玉百〇七

河塞行無雪，江鄉到已花。洞庭風浪濶，漂泊問龍蛇。

送以行往平山省外父母次韻

歲暮忽為別，亦知非遠遊。彩衣孟里鳴，玉向秦樓。
岸雪晴含照，林楓尚帶秋。如憐早春色，綵鞵逐

皇州。

送劉子遊西山寺

我憶湖山寺，春山爾獨行。乍暄饒柳意，空谷自鶯聲。
人臧回遊伴，花含往歲情。片雲回首暮，天遣別愁生。

送王生還嵩盟無訊趙叔

此向嵩州去，遙看溟海窮。行人三月盡，獨馬萬山中。

風蓬皆萬里，骨肉我三人。岐路緣何事，他鄉愧此身。
柳含燕甸色，花隔楚園春。佇望行車遠，迢迢起暮塵。

送曾建昌取道還瀘州

之官懷印綬，過里訊松筠。峽纜牽瀘水，天梯截少岷。
雲山蟠越嶲，錦樹雜冬春。目極西南日，高歌動我神。

送郭進士告歸大梁

病卧歸夷梁，瞻雲佇太行。金門謝通籍，漢署憶含香。
沙柳繁臺閣，春花宋苑牆。古園風竹動，蕭灑讀書堂。

送沙河方令

野曠孤城出，山高上黨分。春沙平落日，古樹密屯雲。

大復集卷十八

十一王武三百六

桃李今年種，絃歌此地聞。未須愁簿領，應不廢詩文。

送賈郡博之階州

十載一儒官，西行路復難。羗夷應俎豆，邊徼有衣冠。
隴坂盤雲上，秦城向斗看。好音懷萬里，早晚報長安。

送汪二司業還南京二首

帝宅龍盤內，儒林鳳覽中。此來名益重，相送意無窮。
畿甸江山抱，宮牆日月通。仙舟上南斗，攀望彩雲空。

二

溟漲開鯨力，雲霄列鴈行。中朝貴昆弟，時論有輝光。
柳別金門色，花携玉殿香。佇聆前席問，獻納在明堂。

送楊子濬下第還廣東

憐君不得意，春盡獨還家。路入薜蘿草，亭深枳殼花。
客舟江上遠，鄉樹嶺南斜。盛世多遭際，寧容問釣車。

別王秉衡

逸氣如孤鶻，長凌萬里雲。賈生能抗疏，司馬善為文。
歲月交心舊，山川別思紛。城南相送罷，消息幾時聞。

送楊驛丞

聞說丹河地，孤城海上開。鹵烟出市井，潮影動樓臺。
漢使傳宣過，夷官入貢來。皇華歌送客，應閱出群才。

送江華州

大復集卷十八

十二

壬戌三月四日

為郡稱先子，承家氣益豪。少年乘五馬，何夜夢三刀。
天入黃河迥，雲開華嶽高。古來名勝地，此日羨賢勞。

送都玄敬主事二首

夫子風流士，才高耻受樊。長貧思故里，多病乞文園。
落日空山暮，清霜十月繁。脩程正迢遞，努力為加餐。

二

此別何時晤，佳期難重尋。扁舟南國遠，歲晚大江深。
白首三年客，滄洲萬里心。平沙有歸鴈，竝起送離音。

送戴生歸獻縣

旅室蒼苔靜，寒城月色陰。歸人對明燭，別調入瑤琴。

渤海高雲夕，滹沱積雪深。趨庭知有日，應慰倚門心。
送曹瑞卿謫尋甸二首

逐客滇南郡，雲天此路長。高秋行萬里，落日淚千行。
作賦投湘水，題書寄夜郎。殊方氣候異，去矣慎風霜。

二

一封朝北極，萬里暮南溟。地遠投蠻府，天高哭漢庭。
旅情生白髮，行色傍秋星。若過湘潭上，休看杜若青。

何大復先生集卷之十九

五言律詩八十四首

送宗魯使安南

日月天門迥，星辰海國遙。
龍函隨勅命，使節下青霄。
荒服周王域，南溟漢將標。
壯遊真萬里，無外見今朝。

送顧侍御還南京

南國鳳凰士，北臺驄馬臣。
一鳴望霄漢，千里出風塵。
折柳此為別，看花俱愴神。
飄零四海契，慚愧十年人。
九日夜過劉以正別士奇

大復集卷十九

重陽愁獨酌，深夜喜相過。
萬里惟秦客，三杯亦楚歌。
霜笳沉海月，風鴈起滹河。
醉別黃花去，能忘白玉珂。

送顧華玉謫全州

白日春城暮，孤雲天際陰。
君行萬里外，予意一何深。
夏擬浮湘水，秋應到桂林。
衡陽去不遠，莫使鴈書沉。

送楊太常歸省三首

扈聖元公在，寧親季子歸。
鳳凰銜寵詔，駟馬動光輝。
四馭心先切，題橋志不違。
都人看祖帳，共嘆此行稀。

二

錦里趨庭日，聲華冠蜀都。
弟兄今二妙，父子宋三蘇。

禮樂風雲地旂常日月圖
今皇念大祀未可滯江
軀

三

聞道西南寇猶多虎豹群
過秦應有論諭蜀可無文
未返巴山使空懸棧道軍
煩將父老意歸報

聖明君

送寇定州

五月燕京寺高雲動客旌
南風開蕙苗君到定州城
霄漢仙鳧去風塵老驥行
年來傾蓋意深感白頭情
送彭總制之西川二首

大復集卷十九

二 戴谷三百四十六

江漢兵戈阻鄖陽節制移
遲憐蜀父老再覩漢旌旗
躍馬終難據窮猿本易追
威廟聊一借勲業况當時

二

蜀道青天上岷山赤日西
九重連授鉞萬里動征
鼙開府松杉靜懸軍玉壘低
知公安蜀計諸葛大名

齊

送呂內翰上陵

弓劍登夫壽衣冠望國門
碧山秋殿閣白露漢陵園
兩落千官淚雲隨六帝蒐
詞臣松栢賦音繞鳳凰

送徐內翰上陵

君向六陵間，中元月正圓。
攀松立暮日，藉草坐秋天。
殿閣西山抱，關門北斗懸。
先皇舊侍從，獨到泰陵前。

送曹遜御還汝寧

三年觀國士，此日暫還家。
去指清淮月，行攀上蔡花。
燕歌送楚客，邊鴈起城笳。
却喜干戈後，鄉園見歲華。

送李體仁按雲南

漢使西南域，天王節制名。
九霄看鳳下，萬里避驄行。
風偃蠻夷靜，霜驅瘴癘清。
壯遊仍攬轡，從此慰平生。

送呂揮使

駟馬赤霓奔，少年風義存。
名登大司馬，身覩漢皇尊。
北海連龍磧，西山出鴈門。
臨行贈寶劔，持此答君恩。

送郭刑部守寧波

漢庭黃綬吏，西省白雲司。
豈謂為郎久，猶言出守遲。
雲霄懸賜履，江海入褰帷。
古越今名郡，風流當在茲。

送石秀才下第還趙州

念汝不得意，行歌燕市中。
鄉書催朝鴈，旅食寄霜楓。
荆玉已三獻，冀群當一空。
驅車薊門外，未可嘆途窮。

田子宅宴別

永夜愴離析同心耽宴遊世情俱慷慨鄉意轉綢繆
竹戶霜燈裊風城海角流豫章天更遠燕北有高樓
寺中送段子還蒲州

段子兩龍劍西行歌莫催探花天上返觀日海邊迴
一別雲房樹相思雪夜杯禹門讀書處終夕聽風雷
送范以載之南京

不見君山面看君意獨哀曾陪竹林醉今識仲容才
駿馬登臺去蒼生攬轡來春江暮雲樹愁望北帆開
送欽師歸西山

近向雲間至遙從花下還赤崖春到寺白塔晝開關
大行集卷十九 四

風雨如西塞烟霞似北山到來應待我秣樹幾回攀
送忽生還關中次韻

望爾西行路春風萬柳條轉憐黃鳥近去恨白駒遙
彈劍歌今日張燈宴往宵秦川待歸客花色醉中饒
送以道次右卿韻

汝到河西日常令消息聞風塵暫把袂霄漢忽離群
帆轉天邊樹樓停海上雲飄飄岐路側何地復逢君
送趙叔鳴視學山東

爾道東行日斯文北學傳鳳凰千仞上腰裏萬金前
嶽峙高無極滄流渺百川古來齊魯地風教有遺編

送侯汝立之東昌

東郡瘡痍日蒼生屬此行二毛猶未見五馬亦為榮
月對河關上秋從海嶽生向來嵩少約西望各懸情
送士姪歸雀巢縣

見汝書

一作南歸日

應憐

北倚樓彩衣花縣酒白

鴈楚江洲閉戶自茲始佩章頃古求行藏愧汝叔日
憶竹林遊

送郭外舅之江陰

郭舅佐名邑出門憐女甥春風到江縣花下單鳴鶯
聽訟琴堂靜哦詩竹檻成臨行贈玉珮空有渭陽情

大復集卷十九

五
四

送劉西曹決獄畿內

日下秋官出天邊漢使分令行乘肅殺風羣藉仁聞
香署含清旭仙闈止白雲鑪薰亦暫別遙想畫氤氳
送胡別駕出關

天上黃華戍雲邊鐵壁城風沙行塞日金鼓出關情
轉餉留蕭相揮鞭讓祖生軍儲西北計從此樹勲名
送毛汝厲按湖南

臘送燕門節春迎楚水艤揚帆泛廣漢擊楫渡長江
地絡蠻荆域天躔翼軫邦此行君不忝才氣本無雙

送王夢弼之高郵

南竄隨春色，東行識壯顏。
閭閻猶涕淚，道路復追攀。
風節雲霄上，霜威海岱間。
聖明憐萬里，不久賜君還。

送望之赴汶上二首

相送一如昔，出關行復留。
初看萬里至，忽是五年流。
老駿從東路，春鴻向北州。
青門數行柳，烟色暮含愁。

二

春郊餘雪日，河甸起風沙。
送折燕中柳，行逢汶上花。
賓朋半海內，弟妹各天涯。
駐馬臨歧處，飄飄獨望家。

送客二首

大復集卷十九

六

方岳從來重，君才世豈多。
中原雖寇盜，晉國有山河。
勸俗銷金甲，求賢訪碧蘿。
政平人自理，不用事煩苛。

海內蒼生困，看君紫綬新。
天官元貴客，岳伯是詞人。
雲極行山目，花傷冀北神。
平生膠漆意，翻恐愧雷陳。

送葛時秀任東明

東明花滿縣，令宰即神仙。
宓子今為政，河陽復壯年。
曉旗開雨雪，鳧鳥向雲天。
何地傳消息，相聞在日邊。

陸子樓錢祖邦

渺渺楓江闊，高樓望轉傷。
同來送歸客，亦念還鄉。

塞接寒天迥城銜落景長重逢是何日尺素莫相忘
白將軍征南兼壽母

將軍天上出萬里擁舟航玉帳駐南國金尊開北堂
海雲添寵色江日借恩光報主身何壯猶牽寸草腸

送錢推府之閩

越水到閩鄉風帆萬里航雲間開瘴癘山雨暗桄榔
器本中丞後才仍佐郡郎燕京把酒別此去有輝光

送施御史便道壽母次韻

繡衣真畫錦彩服更花辰海鶴稱觴數江魚入饌新
近懼追里宴遙祝借朝紳堂下忘憂草今春倍徃春

大復集卷十一

贈王舉人

王子萬人英詩名少日成驪珠眠自抱天馬傍誰行
旅食青楓改秋吟素髮生過逢見汝意潦倒愧吾情

贈管汝濟

冠裳同海內盃酒對寒宵舊識三秦客今看萬仞標
芙蓉生露掌騷裏在烟霄願聽雲門奏春風入鳳簫

贈權僧過昌化寺見訪次韻

問爾湖邊寺微鐘翠巘西千巖一徑轉落日亂藤迷
數見談天竺相從過虎溪山中送客罷獨禮白雲低

贈呂道夫轉右給事

右掖言司舊重題御陞名碧霄通漢苑丹地接秋城
報主褰龍袞驚人想鳳鳴懷中一諫草何日為蒼生

贈鄭佐

老鄭空同客長歌北海尊十年舊賓友誰到李邕門
天地頻回首江湖一旅竟闢城獨歸鴈風色傍黃昏
君采遷居

宅卜官墻近堂開燕雀馴遷居憐客次過竟喜吾隣

題竹元因主看花更屬春知懸孺子榻虛薄愧高人

贈時亮

象郡開梅嶺羅池傍柳州山川盤秀地文物迥風流

大復集卷十九

八

丹就還珠洞書藏駕鶴樓風塵望爾去霄漢獨相求

賀汝濟生子

夜夜生蘭夢年年種玉心克間看氣色入戶試啼音

明月含珠浦高枝發桂林北堂書報日何啻萬黃金

贈董侍御

何處采芳蘋維舟湘水濱草間露彩薄沙上月華新

杳杳侵溟路依依向楚人汀花不寄遠惆悵獨逢春

贈劉東之憲副

浮生能幾見孰謂別離輕遠道惟長劔寒宵共短檠

旌旗臨漢水雨雪度秦城鄉井衣冠少分携益愴情

贈呂子遷左給事中

月明鵝鵲觀日麗鳳凰城自昔飛騰入今看草奏行
銜沙填海志鍊石補天情無限乾坤事非因萬古名
過寺中飲贈張元德侍御

竹林清宴集秋夜劇呼盧即席花偏艷開尊月不孤
君為淮海俊我乃洛陽徒腰下金龜在明朝村酒壚
元夜寺中集

火樹連龍苑烟花繞鶯峯詞人高宴會令節喜過逢
閣度銀河上憲含寶月重九衢風起夜處處有歌鐘

夜集贈呂仲木

大復集卷

九 五三三

石室抽書舊金門待詔來官勳三載見容抱此宵
劉向本經術馬遷真史才斯文又寥落望子早登臺
贈王子

王子萬夫特英風千仞餘未投湘水賦曾上漢庭書
日月方前席江湖漫卜居城南相覓處花暮獨迴車
胡戶部父母同受封命

紫詰開天府瑤函照楚鄉白頭偕二老綠服有諸郎
草動春江色花携漢署香夜來望南斗萬里益光芒
贈祖邦

白下通緘少燕都見面遲客心悲歲晚歸路及春時

姓入山公啓人傳水部詩同年吾不及相望赴前期

吳逸士

逸士古豪士，劍歌出燕關。不博邯鄲市，常遊五陵間。
賓客重然諾，公卿多往還。千金何足貴，義氣高如山。
秋夕懷曹毅之

百卉飄零盡，孤鴻何處歸。高樓橫暮笛，萬戶搗寒衣。
南國江湖遠，佳人尺素稀。獨愁誰與晤，明月鑒重幃。
懷望之姊夫

自爾出門去，天時十月催。如何千里外，不見一書來。
遠嶠寒雲起，高城旅鴈哀。鄉園莫久滯，星駕及春回。

大復集卷十九

十一
三五三

懷姊

逐子東歸日，輶軒惜路歧。那堪骨肉淚，灑向別離時。
旅病秋來減，鄉書歲暮遲。庭闈欣見汝，千里重子思。

懷三兄

輶車北上日，相送及燕州。為客全經夏，還家已過秋。
鷓鴣寒更急，鴻鴈晚相求。况是諸兄隔，天涯重倚樓。
子紀宅夜集懷望之

花月同遊客，江湘萬里遙。燕閒如我輩，五酒又今宵。
轉覺花愁思，翻教月寂寥。無論去與住，俱是斷蓬飄。

懷劉園諸友

亭榭劉園麗携遊汝輩頻竹高停翠袖花密隱朱唇
橋是經行地城餘戰鬪塵京華又二載腸斷楚鄉春
過子容有懷獻吉

故友何人在常時獨爾遊停盃思北海躍馬為南州
雨助鳴蛩夕風驚過鴈秋有懷俱不減攜手重遲留

懷李生園東季升

李生北園內亭榭近如何草徑猶紅藥紫扉自碧蘿
江湖歸跡少天地戰場多空憶張夫子清尊夜夜過
雪簡川甫

一雪數花集空庭寒起遲微風罷弱舞初日尚餘暎

大復集卷十九

十一 湖存三〇二

自抱朱絃瑟誰看玉樹枝仙曹有高侶不送鳳凰冠
寄任司訓

不見任公子飄飄旅客鬼苦吟惟白髮生計有清尊
散吏真無隱荒城不異村人間好事者誰到廣文門
至日寄望之汶上

至日懷親友題書在帝鄉風雲餘歲色梅柳復年
湯 滂 白髮行藏裏清尊涕淚傍思君魯城北汶水日湯

簡以道

父病文園客風流漢長卿苦吟生白髮消渴望金莖

雪盛黃精草雲深赤石英
尋方外士服食使身輕
寄空同子卜居襄陽

爾定襄陽宅雲山好傍誰

草憐一作隣

王粲井花醉習

家池留滯悲江漢

驅馳感歲時扁舟空悵望未有厭

門期

雪簡鄭客

燕雪未成花蕭蕭覆淺沙
誤聽梁苑竹擬放楚江槎
集囊含風色流雲轉日華
城中百萬戶歌舞醉誰家

寄錢水部

多情錢水部別後有哀吟
萬里秋風興孤舟日暮心

大復集卷十九

十一 湖在三月

白沙官舍迥滄海故園深
悵望佳期隔殷勤數寄音

寄王文熙

之子南歸日江湖淚泫然
涼風一夕至秋月幾回圓
鴻鴈求巢急鷓鴣各自遷
三年望天末徒有寸心懸

寄顧華玉

詞客金陵去那期歲屢過
相思秋水隔悵望暮雲多
清廟采絃瑟華堂白紵歌
徵音久寂寞高調近如何

簡都玄敬

故友日零落都君情不忘
草玄常避客頭白近為郎

宦况思江上鄉心望海傍
聞君話山水吾亦慕南方

寄徐太守

塞鴈去復盡，燕臺愁望春。十年同病客，萬里各風塵。
南國已碧草，清江空白蘋。秋來有詞賦，莫使怨騷人。
閣內簡張員外

我在金門裏，聞君候瑣闈。去天俱咫尺，瞻日共光輝。
柳下宮官出，花邊閣吏稀。晚來沙苑外，騎馬欲同歸。
寄易內翰

日日望長沙，憶君城柳斜。風塵愁燕雀，江海嘆龍蛇。
公子天邊草，夫人廟口花。故鄉盃酒罷，遙亦念京華。
寺中齋居簡崔內翰張侍御

大復集卷十九

十三 戴金二百九

徑雪草生細，林寒鶯到稀。傷春懷二子，齋沐掩禪扉。
石室棲金馬，天花落繡衣。分明共朝市，鷓鴣不同飛。
喜望之量移兼寄

嶺海投荒日，燕臺望遠時。三年一消息，萬里轉行志。
歸鴈先知暖，驚鳥尚繞枝。湘江催發棹，預報北來期。
立秋日寄粹夫

一葉悲天地，秋風淚萬行。江河無日夜，邊塞日霜。
鴈鵠思高起，龍蛇願久藏。蓬瀛何處夢，頭白恨無梁。
寄家書

一返滇中使，嗟故里。老親遙在念，薄祿。 歲歸

而雪三冬時。不書累月。淚絨燈下發。迴鴈。之飛。

寄三子詩

三子者王康呂三子也。三子俱產之關中。並見而
同隱。西望興懷。為詩寄之。

鄜杜終南曲。邠岐渭北陲。水多龍卧處。山有鳳來時。
星宿中宵動。風雲萬里移。滄江問靈劍。離合少人知。

